

ի Պողազն ընդ մերձաւորքս . եւ նշան մի եւս՝ զի ոչ թողուն զբրինձ տանել արտաքոյ քան զքաղաքն : Այսքան առ այս :

ԺԴ. — Այս Հուսէին ունի զմեծ հարսանեաց պատրաստութիւն երկուց որդոց իւրոց , զորս արարեալ է մուտէրիս , եւ զերկոսին զուստը Շապան աղային , որ էր կեօմբուկէն աստ եւ զառաջինն Հալէպ մուհասիլի՝ եէկէն Տիվրիկուոյ Իպրահիմ փաշայի . եւ լինին երկու դատերք սորա որդուց նորա կանայք եւ ներուոնք միւմեանց ըստ օրինի իւրեանց :

ԺԵ. — Ասեն եւ զայս՝ թէ ի դարպանտէն Թէրհօզոյ Չայիրովը Ուսկումբուոյ մինչ Չաթալճոյ գաւառօքն ժողովելով խումբք արանց հրամայեցաւ առ ի վարումն եւ ի հաւաքումն երէոց , կինճից եւ նապաստակաց եւ նմանեաց նոցին , ընդ որս բերկրեցեալ լիցի արքայն ի խառնիճադանճ բազմութեան փախուցելոցն եւ ըմբռնեցելոցն եւ ի դողելոցն եւ ի վիրաւորելոցն՝ արշաւեալ եւ ինքն ի մէջ ի զթօսանս նոցուն աւուրբք տասնօք մինչեւ յելս սէֆէրի ամսոյս , զի եկեալ ըզմէվլուան ընթերցցին առաջի նորա ի Սէլաթին ճամին , յորում եւ կամիցի : Եւ ի Ղալաթու մինչեւ ի նոր գիւղ երեք հազար այր գրեցին պահանջեալ բռամբք եւ բրօք գանելովք , որք արագապէս ընթացան տաւուրով եւ զուրնայիւ :

ԺԶ. — Խրախացուցից զձեզ եւ նոր խրախուսականաւ աւետեօքս՝ ըստ այնմ թէ Առցեն լերինք զխաղաղութիւն , այլովք հանդերձ : Յաղթօղն եւ քաջ թագաւորն Ֆրանցայու , որ է առեալ կին զմերձաւոր կայսերն Ալամանաց եւ զբազում ժամանակս կամէր զկայսրութիւն առ ինքն ձգել , իսկ երանելի փափքն մաղթանօք հայցէին տեւել նմա՝ շիջուցանելով զեռացումն կամաց նորա : Յետ ամենայն յաղթութեանց որ ընդ Ֆրանտրացիս եւ ընդ Ընկէլթէրացիս եւ ընդ Ալամանս